

SKÝRSLA STJÓRNAR FÉLAGS REYKJAVÍKURAKADEMÍUNNAR 2023-2024.

Stjórn Félags Reykjavíkúrakademíunnar var kosinn á aðalfundi 8. júní 2023. Stjórnina skipuðu þau Björg Árnadóttir, formaður, Oddný Eir Ævarsdóttir, ritari, Þuríður Jónsdóttir, gjaldkeri, Árni Finnson og Haukur Arnþórsson. Fyrstu fundur félagsins var haldinn 31. ágúst 2023. Formaður félagsins, Björg Árnadóttir, sagði af sér formennsku í október 2023, þar sem hún færði vinnuástöðu sína annað. Björg Hjartardóttir tók við formennsku 12. október 2023. Á tímabilinu öllu voru haldnir ellefu stjórnarfundir og samráð utan reglulegra funda. Stjórnin setti sér það markmið að halda úti viðburðaríkri dagskrá við Öndvegisborðið með því að virkja sem flesta í húsi og efna til sameiginlegra viðburða.

Á tímabilinu hélt félagið hélt áfram að borga vinnu við rekstur og skipulag félagatalsins. Umræða fór reglulega fram um utanumhald við félagið, t.d. var reynt að ná til félaga sem ekki hafa borgað í nokkur ár. Félagið hefur vanrækt að tengjast félögum utanhús og mikilvægt að því hlutverki sé sinnt í framtíðinni. Hugmyndir komu fram um að bjóða formönnum fagfélaga í heimsókn og mynda frekari tengls við rannsóknarstofnanir í háskólasamfélaginu.

Samræður voru yfir tímabilið um verkaskiptingu á milli ses-ins og félagsins, fundur var haldinn í vor með formanni stjórnar Reykjavíkúrakademíunnar, framkvæmdastjóra og skrifstofustjóra RA. Lagabreytingar á lögum FRA koma í kjölfarið á þeim umræðum.

Félagið styrkti Fræðabíngið sem haldið var haustið 2022 og stjórnin samþykkti að leggja fram stofnframlag við stofnun Afmælistjóð á móti framlagi ses-ins.

Félagslíf

Jólin og jólaundirbúningurinn lét ekki á sér standa þetta árið frekar en önnur. Fimmtudaginn 30. desember var aðventustund með piparkökum og upplestri. Þar lásu demónarnir Bára, Katrín, Oddný Eir, Haukur, Hjörleifur og Ingibjörg upp úr verkum sínum við stóra borðið. Demónar fögnuðu svo Litlu jólunum á Fosshóteli 15. desember 2023.

Mörður Árnason skipulagði ferð á Þjóðminjasafnið föstudaginn 26 janúar 2024 þar sem demónar fengu leiðsögn hans og Lilju Árnadóttur á Reflasýninguna í Bogasalnum. Þau eru ritstjórar bókar Elsu E. Guðjónsson um íslenskan refilsaum. Sælan var svo tekin í Stúdentakjallaranum.

23. febrúar 2024 var haldinn stórfundur við stóraborðið og í kjölfarið haldið þorablót í salnum niðri þar sem þorramat og góðum veigum voru gerð góð skil.

12. apríl 2024 fóru fram tiltektir og þrif í Þórunnartúni þar sem hreinsað var til bæði inni á herbergjum og í alrýminu. Í hádeginu var boðið upp á súpu, vín, bjór og kökur.

7. júní 2024 fóru demónar svo í heimsókn á Bessastaði þar sem forsetinn tók á móti þeim í kaffi og spjall.

Viðburðir í Öndvegi

Öndvegisviðburðir vetrarins voru þrettán. Viðburðirnir voru mjög vel sóttir og ávallt sköpuðust góðar umræður við stóra borðið þar sem demónar borðuðu saman hádegismat.

Haust 2023

28. sept. 2023 hélt Björg Árnadóttir erindi sem kallaðist: „Umhverfis Evrópu á níutíu dögum - tölfræði, afmæli og útskrift.“

5. október 2023 fjallaði svo Anna Þorbjörg Þorgrímsdóttir um doktorsritgerðina sína í erindinu: „Doktorsritgerðin mín.“

19. okt 2023 steig Aðalsteinn Eypórsson í öndvegi með erindið: „Furðufugl í íslenskum fræðum.“

2. nóv. 2023 var Þorgeir Sigurðsson með erindið: „Snorri, bragfræði og stærðfræði.“

Í tengslum við útgáfu á bók sinni steig Bára Baldursdóttir í öndvegi 9. nóv. 2023 með erindið: „Kynlegt stríð: Ástandið í nýju ljósi.“

23. nóv. 2023 hélt Oddný Eir Ævarsdóttir erindið: „Bláleiðir, sígaunasálmur og eiromar.“

Ingunn Ásdísardóttir hélt svo síðasta öndvegis erindi ársins 14. des. 2023 þar sem hún fjallaði um: „Blíðir og stríðir jötnar.“

Vor 2024

Fyrsta erindi ársins hélt Auðunn Arnórsson 18. janúar 2024 með titlinum „Hver var Ragnar Lundborg?“

8. febrúar 2024 fjallaði Árni Finnsson um svartolíu í erindinu „Ískyggileg þróun á Norðurslóðum.“

Stefán Jökulsson var svo með erindi 29. febrúar 2024 sem kallaðist: „Andlegt líf – lífsfylling og jafnvægi.“

21. mars 2024 hélt Þorleifur Hauksson svo erindið: „Vanmetin dýrlingasaga frá 14. öld.“

2. maí 2024 steig Salvör Aradóttir í öndvegi með erindið: „Um túlkun.“

Síðasta öndvegi vetrarins hélt svo Þór Martinsson 30. maí 2024, um 150 ára afmæli stjórnarskrár Íslands.